

Postupajući u skladu sa, odredbama člana 26. Zakona o popisu stanovništva domaćinstava i stanova u BiH u 2013. godini („Službeni glasnik BiH“ broj: 10/12 i 18/13) Procedurama za izbor popisnih organa i osoblja koje će biti angažovano u popisu stanovništva, domaćinstava i stanova u BiH u 2013. godini-MD 24, te na osnovu člana 38. Statuta općine Hadžići („Službene novine Kantona Sarajevo“ broj: 15/09, 17/12, 10/13 i 14/13) Općinski načelnik općine Hadžići, o b j a v l j e

J A V N I O G L A S
ZA IZBOR ČLANOVA POPISNE KOMISIJE OPĆINE HADŽIĆI ZA POPIS
STANOVNIŠTVA, DOMAĆINSTAVA I STANOVA U 2013. GODINI

Na osnovu procenjenog broja stanovnika statističkih institucija po općinama za 2012. godinu, Popisnu komisiju općine Hadžići čine, **predsjednik i tri člana** i to predstavnici:

- iz reda bošnjačkog naroda - 1(jedan) član;
- iz reda hrvatskog naroda - 1(jedan) član;
- iz reda srpskog naroda - 1(jedan) član;
- iz reda ostalih - 1(jedan) član;

Članovi Popisne komisije se biraju po propisanoj Proceduri stim da je uposlenik Službe za imovinsko-pravne poslove, geodetske poslove i katastar nekretnina općine Hadžići obavezni član Popisne komisije.

Popisna komisija obavlja slijedeće poslove:

1. Rukovodi pripremama, organiziranjem i provođenjem popisa na teritoriji općine,
2. Vršiti izbor i imenovanje instruktora i popisivača općine
3. Obavještava stanovništvo o značaju popisa, načinu i vremenu njegovog provođenja, o pravima i dužnostima građana i načinu izvršavanja obaveza u popisu,
4. Brine o pravilnoj primjeni metodoloških i organizacionih uputstava,
5. Preuzima štampani popisni materijal i dijeli ga instruktorima, koji ga dalje distribuiraju popisivačima
6. Osigurava prostorije i uslove za provođenje obuke općinskih instruktora i popisivača
7. Provođi nadzor nad radom instruktora i ostalih učesnika u popisu,
8. Izdaje učesnicima u popisu propisana ovlaštenja za rad
9. Preduzima mjere koje garantiraju kompletan obuhvat jedinica popisa,
10. Preuzima popisni materijal od instruktora, organizira i kontrolira obuhvat i kvalitet popisnog materijala,
11. Osigurava skladištenje popisnog materijala uz ispunjenje propisanih sigurnosnih mjera i uslova određenih Zakonom o zaštiti ličnih podataka
12. Organizira prijevoz i pravovremeno dostavljanje popisnog materijala na mjesto unosa i
13. Priprema obračun troškova nastalih za pripremu i provođenje popisa u skladu sa instrukcijama

Kandidat za člana Popisne komisije treba da ispunjava slijedeće uslove:

1. da je državljanin BiH,
2. da ima najmanje 18 godina na dan kada aplicira (punoljetno lice),
3. da se protiv kandidata ne vodi krivični postupak,
4. da ima stečeno najmanje srednje obrazovanje u četverogodišnjem trajanju,
5. da bude dostupan za poslove organizacije popisa svakog dana uključujući i subote i nedjelje od 9-21 sat,
6. da posjeduje psiho-fizičke sposobnosti za obavljanje terenskog rada.
7. da je po mogućnosti stanovnik općine Hadžići.

Napomena: U cilju zadovoljavanja nacionalne/etničke zastupljenosti (konstitutivnih naroda i ostalih) kandidati za člana Popisne komisije mogu imati i prebivalište na području druge općine, te ne moraju biti zaposlenici općinskih organa uprave.

Mandat članova Popisne komisije traje do završetka svih poslova i aktivnosti popisa stanovništva, domaćinstava i stanova.

Prijave na javni oglas se vrše isključivo putem propisanog obrasca „Prijava kandidata za člana popisne komisije lokalne samouprave“ uz koji nije potrebno dostavljati dodatnu dokumentaciju. Istinitost i vjerodostojnost podataka navedenih u prijavi, kandidat potvrđuje vlastoručnim potpisom na obrascu prijave.

Kandidati koji uđu u uži izbor dužni su da u periodu od 17- do 19.06.2013. godine konkursnoj komisiji općine Hadžići dostave dokaze o ispunjavanju uslova iz javnog oglasa.

Obrazac prijave se može preuzeti na info pultu općine Hadžići, u kancelarijama sekretara mjesnih zajednica za područje Hadžića, Pazarića i Tarčina ili Web stranici općine Hadžići.

Rok za podnošenje prijava je od 10.06.2013. godine do 14.06.2013. godine i to radnim danom u periodu od 8,00 do 15,00 sati.

Popunjene obrasce prijave predati u pisarnicu za prijem podnesaka u holu zgrade općine Hadžići, Hadželi 114.

Prijavni obrazac na bosanskom jeziku možete preuzeti [ovdje](#).

Prijavni obrazac na srpskom jeziku možete preuzeti [ovdje](#).

Prijavni obrazac na hrvatskom jeziku možete preuzeti [ovdje](#).